

valeat? (3.) Secundum quam naturam Christus sit nostra justitia, an secundum humanam tantum, aut an secundum divinam, an verò secundum utramque? (4.) An opera bona sint necessaria ad salutem; & an perniciofa? (5.) An Evangelium sit concio pœnitentiæ; an verò concio divinæ gratiæ? (6.) Quodnam sit Legis officium, & quotuplex? (7.) An in S. Cœna verum corpus & verus sanguis Christi verè & substantialiter sint præsentia, atque cum pane & vino distribuuntur, & ore sumantur, tam à dignis, quam indignis? (8.) An inter divinam & humanam naturam in Christo, propter unionem personalem, vera & realis facta sit idiomatum communicatio? (9.) An Christus reipsa, secundum corpus & animam, ad inferos descendit? (10.) An adiaphora, h. e. ritus indifferentes, salva conscientia, sine opinione cultus & meriti, tolerari possint? (11.) Quanam sit vera & orthodoxa sententia de Prædestinatione? (12.) Subjunguntur dogmata hæreticorum, qui dissentiunt ab August. Confess. Et hic filum hujus historiæ abrumpimus.

Versus memoriales continentes capita.

F. C.

Scripturam fidei Normam Concordia sancit,
Peccatum, Arbitrium, Justitiãq; docet.
 Post Bonum Opus, Legem, Legisq; didactica, Cœnam,
Christum, descensum ad Tartara, Res medias.
 Tandem declarans Æterna Electio quid sit,
Subjicit Hæreseon dogmata falsa simul.

CONSENSUS PATRUM,
 secundum ordinem Locorum Fidei hujus Synopsios
 Theologicæ, quæ flores quosdam digestus.

DE SACRA SCRIPTURA.

Divinarum Scripturarum autoritas major est, quam omnis ingenii
 humani capacitas, *August. 2. de Genes ad lit. 15. Lib. 9. de C. D.*
cap. 9. Scriptura divina eruditio Christiana continetur.

Plus credendum simplici Laico, scripturam proferenti, quam
 toti

toti